

PEKELILING NAIB CANSOLOR

Bilangan 07 Tahun 2022

PEKELILING BANTUAN KHAS KEWANGAN AIDILFITRI TAHUN 2022

1.0 TUJUAN

Pekeliling ini bertujuan untuk memaklumkan mengenai penerimaan pakai Surat Edaran Jabatan Perkhidmatan Awam bertarikh 11 April 2022 berkaitan Bantuan Khas Kewangan Aidilfitri Tahun 2022.

2.0 LATAR BELAKANG

- 2.1 Dalam kenyataan media pada 5 April 2022, YAB Perdana Menteri telah mengumumkan Bantuan Khas Kewangan Sempena Hari Raya Aidilfitri Tahun 2022 dibayar kepada pegawai Perkhidmatan Awam Persekutuan di Gred 56 dan ke bawah sebanyak RM500.00 dan turut dipanjangkan kepada pesara Kerajaan yang menerima pensen, pesara Skim Kumpulan Wang Simpanan Pekerja yang bersara paksa dan veteran tidak berpensen sebanyak RM250.00.
- 2.2 Surat Edaran Jabatan Perkhidmatan Awam bertarikh 11 April 2022 berkaitan Bantuan Khas Kewangan Aidilfitri Tahun 2022 (Ruj. JPA.800-3/2/1(41) dan Surat Edaran Ketua Setiausaha Perbendaharaan bertarikh 12 April 2022 (Ruj. MOF.DS(S)600-40/3/3(35)) mengenai pemanjangan pemberian Bayaran Khas 2022 kepada pegawai di bawah *Contract For Service* (CFS).
- 2.3 Mesyuarat Majlis Sumber Manusia melalui Edaran Bilangan 30/2022 bertarikh 12 April 2022 memperaku dan mengesyorkan kepada Lembaga Pengarah Universiti (LPU) berkenaan penerimaan pakai Surat Edaran JPA bertarikh 11 April 2022 berkaitan Bantuan Khas Kewangan Aidilfitri Tahun 2022, dan

cadangan kaedah pelaksanaan pembayaran Bantuan Khas Kewangan Aidilfitri Tahun 2022, dan tarikh pembayaran adalah pada 29 April 2022.

- 2.4 Mesyuarat Lembaga Pengarah Universiti (Khas) pada 20 April 2022 meluluskan penerimaan pakai Surat Edaran JPA bertarikh 11 April 2022 berkaitan Bantuan Khas Kewangan Aidilfitri Tahun 2022 dan cadangan kaedah pelaksanaan pembayaran Bantuan Khas Kewangan Aidilfitri Tahun 2022. Tarikh pembayaran adalah pada 29 April 2022.

3.0 PELAKSANAAN

Pelaksanaan penerimaan pakai Surat Edaran Jabatan Perkhidmatan Awam bertarikh 11 April 2022 berkaitan Bantuan Khas Kewangan Aidilfitri Tahun 2022 di Universiti Teknologi MARA (UiTM) adalah seperti berikut:

- 3.1 Bantuan Khas Kewangan Aidilfitri Tahun 2022 sebanyak RM500.00 diberi kepada staf UiTM di Gred 56 dan ke bawah dengan syarat bahawa pegawai masih berkhidmat pada 25 April 2022.
- 3.2 Pegawai UiTM Kumpulan Pengurusan dan Profesional serta Kumpulan Sokongan yang layak merupakan:
- i. pegawai lantikan tetap, sementara dan *Contract Of Service* (COS).
 - ii. pegawai yang bercuti bergaji penuh;
 - iii. pegawai yang bercuti separuh gaji;
 - iv. pegawai yang bercuti tanpa gaji; dan
 - v. pegawai yang dipinjamkan termasuk ke agensi yang diasingkan pengurusan saraannya. Bantuan Khas ini akan dibayar oleh agensi yang menerima peminjaman pegawai.
 - vi. Pegawai yang meninggal dunia pada 25 April 2022.
- 3.3 Pekerja Sambilan Harian (PSH)
Bantuan Khas Kewangan Sempena Hari Raya Aidilfitri Tahun 2022 sebanyak RM500.00 dipanjangkan kepada PSH yang tempoh kontraknya masih berkuat kuasa pada 25 April 2022.

- 3.4 Staf Lantikan Kontrak Akaun Amanah Pusat Tanggungjawab (PTJ)
Bagi staf lantikan kontrak Akaun Amanah PTJ UiTM, dipanjangkan kepada PTJ masing-masing tertakluk kelulusan dan kemampuan kewangan Tabung Amanah PTJ.
- 3.5 Pesara
Pesara Kerajaan yang menerima pensen dan termasuk penerima pensen terbitan di bawah undang-undang pensen serta pesara Skim Kumpulan Wang Simpanan Pekerja (KWSP) yang bersara daripada perkhidmatan awam apabila mencapai opsyen umur persaraan pada atau sebelum 25 April 2022 akan dibayar sebanyak RM250.00 oleh Jabatan Perkhidmatan Awam manakala bagi veteran berpencen dan tidak berpencen oleh Jabatan Hal Ehwal Veteran;
- 3.6 Pesara dan veteran seperti di para di atas yang dilantik semula secara COS dan masih berkhidmat pada 25 April 2022 layak dibayar sebanyak RM500.00. Pembayaran sebanyak RM250.00 akan dibuat oleh Jabatan Perkhidmatan Awam/Jabatan Hal Ehwal Veteran dan bakinya sebanyak RM250.00 akan dibayar oleh jabatan di mana pegawai sedang berkhidmat;
- 3.7 Pegawai yang **tidak layak** diberi Bantuan Khas Kewangan Aidilfitri Tahun 2022 adalah:
- i. pegawai dalam Kumpulan Pengurusan Tertinggi dan setaraf termasuk pegawai yang memangku dipinjam/ tukar sementara dan penempatan khas ke Gred Jawatan Utama/ Gred Khas;
 - ii. pegawai yang dikenakan hukuman tatatertib dalam tempoh 1 Januari 2021 hingga 25 April 2022;
 - iii. pegawai yang ditamatkan perkhidmatan demi kepentingan awam dalam tempoh 1 Januari 2022 hingga 25 April 2022; dan
 - iv. pegawai yang meletak jawatan dalam tempoh 1 Januari 2022 hingga 25 April 2022.
 - v. pegawai berpencen yang melepaskan hak pensen kerana menyertai Badan Berkanun Yang Diasingkan Saraan;
 - vi. Pesara UiTM yang dilantik secara kontrak (Pakej) Gred SKU (KHAS) selain lantikan Contract Of Service (COS) dan Contract For Service (CFS);

- vii. Pesara UiTM yang dilantik secara kontrak dan tiada emolumen secara Khidmat Setia Akademik (Skim Dalaman UiTM).

3.8 Pegawai Yang Ditangguhkan Bantuan Khas Kewangan

Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib ditangguhkan Bantuan Khas Kewangan Tahun 2022 ini. Pegawai hanya layak diberi Bantuan Khas Kewangan Tahun 2022 sekiranya Pihak Berkuasa Tatatertib mendapati pegawai tersebut tidak bersalah;

3.9 Pegawai Meninggal Dunia Dalam Perkhidmatan

Pegawai UiTM yang meninggal dunia pada 25 Januari 2022 layak diberi Bantuan Khas Kewangan Tahun 2022 sebanyak RM500.00;

3.10 Bantuan Khas Kewangan Aidilfitri Tahun 2022 ini akan dibayar pada 29 April 2022 (Jumaat) dan tertakluk kepada Bank Pembayar.

4.0 TARIKH DIKELUARKAN


Pekeliling ini dikeluarkan pada 26 April 2022.

5.0 TARIKH KUAT KUASA

Pekeliling ini berkuat kuasa mulai 25 April 2022.

6.0 PEMAKAIAN

Pekeliling ini terpakai kepada semua staf gred 56 dan ke bawah serta untuk edaran dalaman sahaja.



PROFESOR DATUK Ts. DR. HAJAH ROZIAH MOHD JANOR
Naib Canselor

Dikelilingkan Kepada:
Semua Penolong Naib Canselor
Semua Rektor UiTM Cawangan
Semua Dekan Fakulti
Semua Ketua Jabatan / Bahagian / Pusat / Unit

Bil. Fail : 100-BPD (BSK. 6/2)
No. Siri : 100-UiTM (NC 6/2) 7/2022